



Terenga 6: Hōtaka 13 - A me te O: Hei whakaū

He Mihi

Nau mai, e hoa mā, ki te tuhunga o Ako. Ki konei tātou koromaki ai ki te reo i whakarērea mai ai hei puipuiaki mā ngā uri whakatupu.

Hei Mahi Whakarongo

Ko Te Puea Hērangi tētehi o ngā tūpuna i whakahē i te haeretanga atu o ngā tāne o Waikato ki te pakanga tuatahi o te ao i tāwāhi. Nā Te Puea Hērangi hoki i whakapau kaha ki te whakatū i te marae o te motu, i a Tūrangawaewae. He wahine pūmau ki tāna i whakaponu ai, he rangatira ārahi i tana iwi kia puta ki te ao mārama, ahakoa ngā whiunga o te wā. Ko ētehi o ana mātāpono kei roto i te waiata rongonui a Waikato, e hāpaitia nei e te kapa o Te Iti Kahurangi. Anei ngā pātai hei whakautu mā koutou:

- 1) He aha i tīmataria ai e Te Puea Te Pou o Mangatāwhiri?
- 2) He aha tētehi whakatūpatotanga kei roto i te waiata?
- 3) Tohua mai ngā kīanga A/O e rua kei roto i te waiata.

Kia whakarongo tātou ki ngā whatitiri paorangi o Te Iti Kahurangi

He Whakamārama

Me āta whakaaro ki te horopaki, e mōhiotia ai mena he 'a' te pūriro, he 'o' rānei te pūriro ka puta i roto i te rerenga kōrero. Kia mahara ake, ko te tikanga o te 'A' me te 'O' e whakaatu mai ana i te āhua o te **hononga** i waenga i ngā mea e rua. Anei tētehi taurira:

- a) Koinā ngā tamariki a Te Hura. (Nā Te Hura ake ngā tamariki. He 'a' ki a ia.)
- e) Koinā ngā tamariki o te kura. (He wāhanga ngā tamariki nō te kura. He 'o' ki te kura.)

He Mahi Ī-papa



He wā ka puta te 'a', he wā ka puta te 'o' hei whakataki i te mea kotahi. Tukuna mai ngā rerenga e rua e kitea ai te rerekē o ngā hononga.

Hei Mahi

Whiriwhirihia te pūriro tika mō te horopaki o ia rerenga kōrero:

1. Whakarongo ki te tangi (a / o) te pere.
2. Whakarongo ki te tangi (a / o) te manu.
3. Tikina atu ngā kākahu (o / a) te tama.
4. Hokona mai ngā kākahu (a / o) Adidas.

Whakautu:

Mahi ĩpapa: Te rākau a Tūmatauenga. / Ngā rākau o te ngahere.

Hei Mahi:

1. o
2. a
3. o
4. a